

**FEDERALNO MINISTARSTVO ZDRAVSTVA****2363**

Na osnovu člana 155. stav 2. alineja 1., a u vezi sa članom 236. stav 1. alineja 29. Zakona o zdravstvenoj zaštiti ("Službene novine Federacije BiH", br. 46/10 i 75/13), federalni ministar zdravstva donosi

**PRAVILNIK****O KRITERIJIMA ZA PRIJEM SPECIJALIZANATA**

## Član 1.

Ovim Pravilnikom utvrđuju se kriteriji za prijem zdravstvenih radnika visoke stručne spreme - specijalizanata u zdravstvene ustanove, privatne prakse, nadležna ministarstva zdravstva, državna odnosno federalna ministarstva, organe državne ili federalne uprave, fakultete zdravstvenog usmjerenja, pravna lica koja obavljaju naučnoistraživačku djelatnost, pravna lica koja obavljaju proizvodnju i promet lijekova i medicinskih sredstava, kao i zavode zdravstvenog osiguranja (u daljem tekstu: pravni subjekt), koji dodjeljuju specijalizaciju, te način njihova izbora.

## Član 2.

Opći uvjeti koje doktor medicine, doktor stomatologije i magistar farmacije, kao kandidat za odobravanje specijalizacije (u daljnjem tekstu: kandidat) mora ispunjavati jesu:

- zdravstveni radnik visoke stručne spreme,
- položen stručni ispit,
- radno iskustvo od najmanje godinu dana od položenog stručnog ispita,
- poznavanje jednog stranog jezika.

## Član 3.

Kriteriji za utvrđivanje redoslijeda kandidata su:

Red. broj	KRITERIJ	BODOVI
1.	Dužina trajanja studija	Najveći mogući broj bodova: 6 bodova Produžetak studija: - za svaku godinu produžetka studija – minus 1 bod Za produženje studija uslijed komplikacija u trudnoći, porođajnog dopusta, duže bolesti (uz predočenje liječničkog nalaza) ili nekog drugog razloga koji predstavlja višu silu (uz priloženi pisani dokaz), ne dodjeljuju se negativni bodovi.
2.	Prosjek ocjena studija	Prosjek ocjena studija = broj bodova (na dvije decimale)
3.	Nagrade za vrijeme studija - nagrada rektora Univerziteta, - nagrada dekana medicinskog, stomatološkog, farmaceutskog fakulteta	1 bod po nagradi (najveći mogući broj bodova - 2 boda)
4.	Postdiplomski studij: - doktorski studij	2 boda

	odslušan studij s položenim ispitima  - magistarski studij odslušan studij s položenim ispitima	1 bod
5.	Stručna i naučna aktivnost:	(najveći mogući broj bodova – 2 boda)
a) radovi u indeksiranim časopisima: CC, bazi podataka: MEDLINE  - ako je kandidat prvi autor  - ako je kandidat koautor	1 bod  0,4 bodova	
b) radovi objavljeni "in extenso"  - ako je kandidat prvi autor  - ako je kandidat koautor	0,4 boda  0,1 bod	
c) ostali radovi i sažeci – samo ako je kandidat prvi autor	0,2 boda	
6.	Poznavanje drugog ili trećeg stranog jezika	(najveći mogući broj bodova – 1 bod) 0,5 boda
7.	Radni staž nakon ispunjenja uvjeta za specijalizaciju, za svaku navršenu godinu rada	(najveći mogući broj bodova - 4 boda) 0,5 boda

Primjenom kriterija iz tačke 5.a) i 5.b) ovoga člana kandidat - koautor može ostvariti najviše 1 bod.

Primjena kriterija iz tačke 7. ovoga člana isključuje primjenu općeg uvjeta za specijalizaciju iz člana 2. stav 1. alineja 3. ovoga Pravilnika.

## Član 4.

Prijedlog za izbor specijalizanata utvrđuje Komisija koja ima najmanje tri člana (u daljnjem tekstu: Komisija), a čine ju:

- 1) rukovodilac ili član ovlašten od rukovodioca pravnog subjekta,
- 2) jedan član stručnog kolegija pravnog subjekta,
- 3) jedan član iz reda uposlenika pravnog subjekta.

Komisiju imenuje Upravno vijeće pravnog subjekta, koji dodjeljuje specijalizaciju.

## Član 5.

Konkurs za prijem specijalizanata obvezno se objavljuje u jednom dnevnom listu koji se prodaje na cijelom području Federacije BiH.

Cjelokupni konkursni materijal (sve ponude s prilogima i dokazima o ispunjavanju uvjeta iz konkursa) dostavlja se Komisiji.

Dokaze iz stava 2. ovoga člana čine:

- ovjerena kopija fakultetske diplome,
- ovjerena kopija uvjerenja o položenom stručnom ispitu,
- ovjerena kopija prijepisa položenih ispita na studiju,
- ovjerena kopija potvrde o prosjeku ocjena tokom studija, te duljini trajanja studija,
- ovjerena kopija potvrde o poznavanju drugog ili trećeg stranog jezika,
- ovjerena kopija nagrada za vrijeme studija,



- ovjerena kopija potvrde o postdiplomskom studiju,
- popis objavljenih radova,
- ovjerena kopija radne knjižice ili potvrde o radnom iskustvu.

Bodovanje i razgovor obavlja se samo za one kandidate koji su podnijeli potpunu dokumentaciju iz stava 2. ovoga člana.

Komisija je obvezna bodovati, pozvati i obaviti razgovor sa svim prijavljenim kandidatima u roku od 30 dana od isteka roka za podnošenje ponuda po konkursu.

O terminu razgovora s Komisijom svaki se kandidat obavještava pisanim putem.

#### Član 6.

Komisija obavlja razgovor s kandidatima u svrhu sticanja uvida u motivaciju kandidata za određeno specijalističko usavršavanje.

Svaki od članova Komisije nakon obavljenog razgovora s kandidatom ocjenjuje ga s najviše tri boda.

Prijedlog kandidata za prijem na specijalizaciju, utvrđuje se zbrajanjem bodova koje su kandidati ostvarili na osnovu provedenog bodovanja i razgovora s Komisijom.

#### Član 7.

Komisija dostavlja rukovodiocu prijedlog kandidata za prijem na specijalizaciju na osnovu provedenog bodovanja i razgovora s Komisijom saglasno stavu 3. člana 6. ovoga Pravilnika.

#### Član 8.

Odluku o izboru specijalizanata saglasno redosljedu kandidata iz člana 6. stav 3. ovoga Pravilnika donosi rukovodilac pravnog subjekta, koji dodjeljuje specijalizaciju.

Odluka o izboru specijalizanata iz stava 1. ovoga člana javno se objavljuje na oglasnoj ploči pravnog subjekta, te se o istom obavještavaju svi kandidati, najkasnije u roku od 15 dana od dana razgovora s Komisijom iz člana 6. ovoga Pravilnika.

Nakon obavljenog izbora svaki kandidat može dobiti na uvid svoju i bodovnu listu svakog kandidata za određeno specijalističko usavršavanje.

Protiv odluke o izboru specijalizanata iz stava 1. ovoga člana nezadovoljan kandidat može podnijeti prigovor Upravnom vijeću pravnog subjekta, koji dodjeljuje specijalizaciju u roku od 8 dana od objave odluke na oglasnoj ploči, odnosno od primitka obavještenja o izboru kandidata za specijalizaciju.

#### Član 9.

Primjena odredbi ovog pravilnika obavezna je za sve pravne subjekte iz člana 1. ovog Pravilnika, koji dodjeljuju specijalizaciju saglasno Zakonu o zdravstvenoj zaštiti ("Službene novine Federacije BiH", broj 46/10 i 75/13) i Pravilniku o specijalizacijama i subspecijalizacijama doktora medicine, doktora stomatologije i magistara farmacije ("Službene novine Federacije BiH", broj 6/11, 11/11, 17/11, 22/11, 26/11, 82/11, 41/12, 79/12 i 55/13).

#### Član 10.

Postupci za odobrenje specijalizacija, pokrenuti prije stupanja na snagu ovog pravilnika, rješavati će se po propisima, koji su bili na snazi na području Federacije BiH, u vrijeme pokretanja postupka za odobrenje specijalizacije.

#### Član 11.

Ovaj Pravilnik stupa na snagu osmoga dana od dana objavljivanja u "Službenim novinama Federacije BiH".

Broj 01-37-7202/13

16. decembra 2013. godine  
Sarajevo

Ministar

Prof. dr. **Rusmir Mesihović**, s. r.

Na temelju članka 155. stavak 2. alineja 1., a u svezi sa člankom 236. stavak 1. alineja 29. Zakona o zdravstvenoj zaštiti ("Službene novine Federacije BiH", br. 46/10 i 75/13), federalni ministar zdravstva donosi

## PRAVILNIK O KRITERIJIMA ZA PRIJEM SPECIJALIZANATA

### Članak 1.

Ovim Pravilnikom utvrđuju se kriteriji za prijem zdravstvenih radnika visoke stručne spreme - specijalizanata u zdravstvene ustanove, privatne prakse, nadležna ministarstva zdravstva, državna odnosno federalna ministarstva, organe državne ili federalne uprave, fakultete zdravstvenog usmjerenja, pravne osobe koje obavljaju znanstvenoistraživačku djelatnost, pravne osobe koje obavljaju proizvodnju i promet lijekova i medicinskih sredstava, kao i zavode zdravstvenog osiguranja (u daljem tekstu: pravni subjekt), koji dodjeljuju specijalizaciju, te način njihova izbora.

### Članak 2.

Opći uvjeti koje doktor medicine, doktor stomatologije i magistar farmacije, kao pristupnik za odobravanje specijalizacije (u daljnjem tekstu: kandidat) mora ispunjavati jesu:

- zdravstveni radnik visoke stručne spreme,
- položen stručni ispit,
- radno iskustvo od najmanje godinu dana od položenog stručnog ispita,
- poznavanje jednog stranog jezika.

### Članak 3.

Kriteriji za utvrđivanje redosljeda kandidata su:

Red. broj	KRITERIJ	BODOVI
1.	Duljina trajanja studija	Najveći mogući broj bodova: 6 bodova  Produljenje studija:  - za svaku godinu produljenja studija – minus 1 bod  Za produljenje studija uslijed komplikacija u trudnoći, rodiljnoga dopusta, duže bolesti (uz predočenje liječničkog nalaza) ili nekog drugog razloga koji predstavlja višu silu (uz priloženi pisani dokaz), ne dodjeljuju se negativni bodovi.
2.	Prosjeck ocjena studija	Prosjeck ocjena studija = broj bodova (na dvije decimale)
3.	Nagrade za vrijeme studija  - nagrada rektora Sveučilišta,  - nagrada dekana medicinskog, stomatološkog, farmaceutskog fakulteta	1 bod po nagradi (najveći mogući broj bodova - 2 boda)
4.	Poslijediplomski studij:  - doktorski studij odslušan studij s položenim ispitima  - magistarski studij odslušan studij s položenim ispitima	2 boda  1 bod